

國

朝

列

卿

紀

國朝列卿紀卷之七十九

都察院左右僉都御史年表

向

寶

見右都永樂二十二年任左

李

濬

山東武定人監生宣德元年任左正統元年出撫遼東

凌晏如

浙江歸安人楷書宣德二年任右九年卒

王

翱

見左都宣德十年任右

陳

鼎

廣東新興人進士宣德十年任右正統元年陞刑部左侍郎

魯

穆

浙江天台人進士正統元年任右二年卒於官

張

駿

四川瀘州人進士正統元年任左七年卒於官

盧

睿

浙江東陽人進士正統二年任右本年出撫宣大歷鎮守寧夏右副都

金濂

見右副都正統二年任右三年出撫寧夏

丁璿

詳右副都正統三年任右

張純

湖廣江陵人進士正統三年任右景泰元年陞南副都歷南京兵部尚書

曹翼

詳右副都正統五年任右

程富

詳右副都正統六年任右八年左

張楷

浙江慈谿人進士正統十二年任右詳南院

陳詔

浙江青田人進士正統十二年任右景泰二年卒於官

余儼

江西南昌人鄉舉景泰二年任右天順元年致仕

左鼎

江西永新人進士天順元年任右尋轉左卒於官

林聰

見右都天順元年

韓

雍 直隸長洲人進士天順二年任
右五年撫大同歷兩廣右都

滕

昭 兄右副都天順五年
任左八年撫遼東

吳

琛 直隸繁昌人進士成化元年任右
二年調南院歷兩廣右副都御史

王

儉 四川銅梁人進士成化
二年任左三年致仕

張

岐 直隸興濟人進士成化
三年任右本年劾免

張

綱 山東長清人進士成化
八年任左十三年卒

李

綱 山東長清人進士成化十三
年任左十四年出總漕運

戴

縉 見右都成化
十四年任右

屠

瀟 詳左都成化十五年
任右十七年轉左

秦

紘 山東單縣人進士成化二十年任左二十一年陞
戶侍歷太子少保戶部尚書卒謚襄毅贈少保

左 鉦 直隸阜城人鄉舉成化二十年任右二十二年出撫山西

張 悅 直隸華亭人進士成化二十二年任右二十三年陞工侍歷南京兵部尚書卒贈謚莊簡

翟 瑄 見右副都成化二十三年任右

李 介 山東高密人進士弘治二年任右四年丁憂歷兵部左侍郎總宣大

陳 紀 詳右副都弘治七年任右

楊 謚 見右副都弘治七年任左

張文昭 山東平山衛人進士弘治九年任右十一年致仕

顧 佐 見右副都弘治十一年任左

陳 璜 直隸長洲人進士弘治十三年任左十六年陞南院右副都

張 鸞 見右副都弘治十六年任左

魏

訥

河南鄆陵人弘治十八年任右

王

璟

詳左都正德元年任右

藍

章

山東卽墨人正德二年任右詳南京刑部侍郎

韓

福

陝西西安衛人進士正德二年任右三年陞戶部左侍郎

張

綵

陝西安定人進士正德三年任左本年陞吏部歷吏部尚書

張

綸

詳右都正德三年任右

顏

頤壽

見左都正德五年任右

陳

天祥

見左副都正德六年任左

陳

玉

直隸沂州衛人進士正德六年任右八年陞兵侍兼南院左都御史

金

獻民

見左都正德八年任左

陳天祥

見前正德九年再任左

顏願壽

見前正德十年再任右

李鉞

見右都正德十二年任右

劉玉

見右副都正德十六年任左

周倫

直隸崑山人進士嘉靖元年任右四年調南京院歷南京刑部尚書

張潤

見左副都嘉靖二年任左

熊浹

見左都嘉靖六年任右

李如圭

湖廣澧州人弘治己未進士嘉靖七年任右九年出撫延綏歷戶部尚書

夏言

江西貴溪人進士嘉靖九年任左尋辭免歷內閣少師華蓋殿大學士

史道

順天涿州人正德丁丑進士嘉靖十年任右十一年陞大理寺卿歷兵部尚書

毛伯溫 見左都嘉靖十一年任右

胡東臯 浙江餘姚人弘治乙丑進士嘉靖十二年任右本年致仕

韓邦奇 陝西朝邑人正德戊辰進士嘉靖十二年任左十四年出撫遼東歷南京兵部尚書

袁宗儒 直隸雄縣人正德戊辰進士嘉靖廿四年任右十五年遷南戶右侍郎歷戶部左侍郎

王杲 見左副都嘉靖十五年任右十六年左

蔡經 見右副都嘉靖十五年任右添註

杜栴 河南臨潁人正德辛巳進士嘉靖十六年任左十七年卒

周煦 詳左副都嘉靖十七年右十八年任左

胡守中 詳右副都嘉靖十八年任右

戴時宗 福建長泰人正德甲戌進士嘉靖二十年陞右未任

劉訥

河南鄆陵人正德丁丑進士嘉靖二十年任右尋轉左二十三年陞大理卿歷刑部尚書

梁尚德

見左副都嘉靖二十年任右二十一年丁憂

楊行中

見左副都嘉靖二十三年任右二十四年丁憂

傅燭

見左副都嘉靖二十四年任右

朱廷立

湖廣通山人嘉靖癸未進士二十五年任右二十七陞大理寺卿歷禮部右侍郎

楊中行

見前嘉靖二十年任右

梁尚德

見前嘉靖二十年再任右

商大節

詳左副都嘉靖二十九年任右

王學益

見左副都嘉靖三十年任右

倪嵩

見左副都嘉靖三十一年任右

馮天馭

見左副都嘉靖三十二年任右

趙大佑

見左副都嘉靖三十三年任右

鄢懋卿

見左副都嘉靖三十五年任右

邢尚簡

山東昌邑人嘉靖辛丑進士三十七年任右四十年丁憂

霍冀

山西孝義人嘉靖甲辰進士四十年任右

趙炳然

見左副都嘉靖四十年任右

張雨

江西萬安人嘉靖戊戌進士四十一年任右未任開任

孫慎

大寧都司人嘉靖甲辰進士四十一年任右陞總理河道右副都御史

王本固

見右副都嘉靖四十四年任右

趙鏜

浙江江山人嘉靖丁未進士四十五年任右僉都御史隆慶元年回籍聽改用

鄭世威

見左副都隆慶元年任右僉都御史

何維栢

見左副都隆慶元年任右

陳灼

見左都隆慶二年任右

李棠

湖廣長沙人嘉靖戊戌進士隆慶四年任右

陳省

福建長樂人嘉靖己未進士隆慶五年任左萬曆三年陞巡撫陝西右副都

耿定向

見左副都萬曆三年任右本年丁憂

趙賢

河南汝陽人嘉靖丙辰進士萬曆三年任左五年陞巡撫山東右副都

王篆

見左副都萬曆五年任左六年陞本院左副都

劉思問

見左副都萬曆六年任左八年陞本院左副都

胡櫨

見左副都萬曆八年任左九年陞本院左副都

王宗載

湖廣京山人嘉靖壬戌進士萬曆十年任左十一年回籍聽勘謫戍

褚鈇

山西榆次人嘉靖乙丑進士萬曆十一年由河南僉都陞協院左僉都八月陞太常寺卿

石星

見左副都萬曆十一年由太僕卿陞協院左僉都十二年陞協院左副都

耿定向

見前萬曆十二年起左

張岳

見左副都萬曆十二年由南贛僉都陞左十三年陞協院左副都

趙煥

山東掖縣人嘉靖乙丑進士萬曆十三年由操江陞任十四年陞工部右侍郎

賈待問

直隸威縣人隆慶戊辰進士萬曆十四年由南贛僉都任十月改福建

魏時亮

見副都萬曆十四年由光祿卿改任十五年陞本院左副都

詹仰庇

見副都萬曆十五年由太僕寺少卿陞任十六年陞本院左副都

梁問孟

河南新鄉人嘉靖乙丑進士萬曆十六年由寧夏僉都陞任十七年五月丁憂

國朝列卿紀

卷之七十九

六

三百廿六

邵 陞 浙江餘姚人隆慶戊辰進士萬曆十七年
五月由湖廣僉都任十八年陞本院副都

都察院左右僉都行實

向寶詳右都永樂二十二年任左

李濟字伯淵山東濟南府武定州人由歲貢入大學永樂中擢行在四川道監察御史綽然有聲會宣德元年樂安州漢庶人謀叛劫衆從已晨夜馳京告變朝廷仗大義以討平之改樂安爲武定州嘉其忠陞都察院左僉都御史階中順大夫復賜以襲衣緣段三年特賜誥命曰爾中順大夫都察院左僉都御史李濟擢任風紀清慎廉介當叛逆圖危之初乃心國家首發其謀嘉爾忠誠擢貳憲長授任以來益圖克稱茲特錫之誥命以爲爾榮五年立歲於易州平山命督其事濟區畫有方

不激不隨規模槩定未幾回院正統元年英宗嗣統簡任賢能勵精圖治時濬丁內艱還適遼東巡撫守臣懈於邊備虜數寇盜上命在廷大臣素有才者一人往撫綏之僉以濬爲宜上遂召蒞其事餘詳遼東巡撫

凌安然字晏如浙江湖州府歸安縣人自少力學尤工書其楷書學晉小篆則師秦相早有鄉名永樂中以楷書薦入待書授中書舍人時成祖銳意文藝必欲追配古人安然優游館閣益自勵務欲稱上意仁宗在東宮雅知之常令善書以進令藏於秘府永樂十五年擢拜吏科給事中以恭慎舉其職日侍上左右有所顧問敷奏詳明同輩皆推服焉仁宗卽位

陞吏科都給事中益慈懋不懈人未嘗見其有過舉 宣宗卽位三年大正庶官以修百度陞爲右僉都御史蓋是時持憲者多以賄聞安然感 上知遇確然自守不爲衆所惑思欲稍拯其弊事不可卽懇懇爲其長言之多見聽從然猶膠漆牢密未及有所振舉而以內艱去蓋在任不二年去而其長及凡附託者皆得罪矣五年服闋仍爲右僉都御史兵部以武職貼黃久不清 請會官清理如故事 上命安然與翰林侍讀苗衷從事於此同力一心罔有漏失有顏鎮撫旣卒子孫當一人繼乃復以一人冒官三十餘年無覺者安然閱其實奏罷一人又著令凡文武有靖難功而無子者不忍遽絕其祿或以婚或義兒

一人繼不在及弟有張指揮者旣以義兒繼矣又欲冒及其子因有所召調發託疏辭以疾豫以千代亦十餘年矣亦奏請罷之其臨事用心不苟皆此類宣德九年卒於官壽五十三

王翔見左都宣德十年任右正統元年出鎮江西

陳鼎字重器廣東新興人性端敏篤學登永樂乙未進士吏部尚書蹇義知其學行薦擢山西道監察御史立朝正直不詭隨於時俗宣德初出知建昌府時民多桀驁鼎至治最強者十餘始知畏法復布教條施德意而郡內治荆府內豎蕭詔擅作威福鼎以聞寘之法於是官校之屬歛衽畏避四境晏然十年以政績陞右僉都御史勵志剛決風紀益振時左右都御史峽

人與僉都王綱等正己率物各道敬服正統元年陞刑部左侍郎詳刑部

魯穆字希文浙江台州府天台人幼穎悟夙成風骨峻整舉止異常見鄉先輩裘魯恭素有藻鑑見而奇之謂其大父曰兒他日當爲偉器宜善陶之稍長爲邑庠生能自力學攻苦食淡雖隆寒劇暑不少休息毅然以名操自檢嘗大書於藏修座右曰人常咬得菜根則百事可做蓋自少勵志如此永樂丙戌登進士第勅賜歸於家於是屏絕人事益肆力問學諸生多執經受業及召戒行有司贈鈔萬緡特厚謝之弗受或曰贖之禮常耳曷深却之穆曰吾仕方發軔顧未有以及民而先厲鄉里可

平聞者歎服管嚴江北諸衙糧備及巡兩淮鹽法監給龍江抽
分竹木局薪炭所蘊皆冗務而綜理周密吏不能容奸可外艱
去毀瘠逾禮鄉邦稱焉服除拜福建道監察御史自持侃侃介
然不可奪時 成祖幸北京 仁宗居春官留守漢庶人遣諸
宦者將校出外縱爲不法莫敢言者乃啓 仁宗深言其惡章
寢不下未幾庶人事敗皆如其言常州巨商屬治閭嘗斬鄉
人居京師胡姓者懷白金三百兩乞減其罪穆曰汝豈不知我
耶使我厭貧欲富則不須今日矣汝卽去無復及吾門也胡頗
有烟故明日強顏復至言欲出口正色斥之竟寘之法賓客相
見惟道寒溫舊故而已無一言及私者洪熙改元秩滿還鄉

寬濶繩食墨摧聚右舉職無所顧避泉州進士李思義
調官廣西妻吳少而美色甯民林肆故與吳中表嘗私焉欲納
之勢不能得也乃謬爲親善令黠僕二人爲思義護行至中途
吳謀毒思義及其姪殺之吳歸肆遂納焉李氏族人訴於郡得
厚贖反罪告者復訴臬司臬司亦如郡反罪之積十餘年穆至
廉得其情檄肆與吳一訊輒服卒正其罪漳州民許某家裕無
子以姪爲後旣而妾生子乃更與其姪貲三之一託其子許死
其姪言無子實非吾叔出也逐之奄有其貲妾訴莫爲辯者穆
至漳妾携孤伏於馬前言狀乃取孤別置之召父老問嘗識許
某者得數人問曰汝識其子否皆曰未嘗識也乃於市集諸小

兒密以孤子雜其中令諸父老別之諸父老指曰此兒甚類許
某卽孤子也事遂白引許之姪朴之頓首請罪悉歸其貲晉江
縣有陟聞四所以蓄洩水溉田數千頃民賴之甚衆爲豪勢專
以事利歲旱細民視其稼焦死不能得水羣訴之穆執專利者
罪之且械以徇衆民皆驩呼鼓舞瀕海之間每聞穆至善者生
色惡者褫氣其爲人畏愛多類此 英宗嗣位大臣薦其治行
驛召拜都察院右僉都御史贊肅憲紀寬猛適宜人以爲得體
奉 命捕蝗大名廣平循行阡陌勞來不倦害息民不知擾旣
而觸炎暑稍感痺疾正統二年六月十日方治事暑疾作昏眩
卒於位年五十七 上聞遣禮部左侍郎章敞諭祭仍給舟歸

其喪穆剛正清慎內恕外嚴執法不回而恒略細故一介不苟
取與寡嗜欲薄滋味儉約如寒士與人交澹如也旣卒家無爲
歛公卿聞之咸至弔賻始克襄事又深於經學所著有葩經或
問禮記日抄士抄還懷竹素游思等稿藏於家

張駿字

四川瀘州人永樂辛丑進士擢監察御史宣德二

年陞大理寺右少卿正統元年陞行在都察院左僉都御史協
理院事後卒於官

盧睿字仲思浙江金華府東陽縣人永樂辛丑進士擢廣東監
察御史丁憂起復補山西道在臺中廉正明決屢辯冤獄有聲
正統二年陞都察院右僉都御史本年出鎮宣府大同後改叅

贊寧夏軍務進右副都御史致仕詳寧夏巡撫

金濂見本院右副都御史正統二年任右僉都御史三年出撫
寧夏

丁濬見本院右副都御史正統三年任右僉都御史

張純字志忠湖廣江陵縣人永樂辛丑進士授四川道監察御
史正統三年陞都察院右僉都御史景泰元年陞南京都察院
右副都御史提督江防歷南京兵部尚書叅贊機務詳南京
部

曹翼詳本院右副都御史正統五年任右僉都御史

程富詳本院右副都御史正統六年任右僉都御史八年轉左

張楷字式之浙江寧波府慈谿縣人永樂甲辰進士拜江西道御史遷陝西副使正統十二年任右僉都御史詳南院僉都

陳詔字廷詢浙江處州府青田縣人永樂庚子魁鄉薦不利春闈益勵志問學宣德庚戌會試取第一遂中進士甲科帝喜進士欲老其才而用之俾歸進學學者從益衆皆有造就壬子典福建文衡號得士甲寅召拜雲南道監察御史存心仁恕作事周慎是是非非務究其實不吐剛茹柔蔚有名稱丙辰巡按遼東臨外境控制夷狄屯戍相望武夫悍卒皆莫敢犯法山東之地多傍海兵民雜居習變詐忍賊害最爲難治皆以選擇臨之嚴以律已明以照物下之人莫敢肆懷德畏威無間然者

又奉勅陝西廣西理戎籍綜核考校無一所遺失爲御史九年進拜四川按察副使未幾以母憂去十三年服除拜右僉都御史時閩中盜起溫處亦相煽而動朝廷以詔處人深知民情土俗命往巡撫宴賚而遣之比至諭以天子寬仁不忍誅殺之意俾各安業衆咸服從朝廷欲大任之召還勞以羊酒俾視院事尋命同兵部翰林諸臣清理武職貼黃事未竟一夕中風遂不起旣而上念前勞賜綵幣四表裏鈔二百錠而詔不及見矣爲人溫厚詳雅言動不妄任官二十餘年以禮法自持以清儉自足不矜己以傲人不怙勢以賈物可謂恂恂君子云

余儼字

江西南昌府南昌縣人永樂癸卯應鄉薦入大學

授充州判官有能幹理煩劇劇不憚其勞久之以政績陞大理
寺評事久諸法律讞駁俱詳允有知其能者薦改道監察
御史屢奉勅差遣隨事有智術又善處權勢曲中其意多愛
其才遷 廊府審理副景泰二年陞都察院右僉都御史與左
都蕭惟禎右都羅通副都劉廣衡俱江西人並在臺中皆內閣
少保陳循汲引之力故人多忌之天順元年致仕

左鼎字周器江西吉安府永新縣人正統戊午應鄉薦壬戌取
進士擢南京四川道監察御史立朝蹇諤遇事抗言無所忌綰
紳多畏憚之京師語曰左鼎手練綱口十三年巡按山西時北

虜寇邊分衆窺山西鼎募民兵保疆據險誓以死守虜知有備引去虜遣使議和鼎馳奏譬以宋景德靖康間故事 朝廷主其說虜懼奉 聖駕還京在臺屢進讜言多所匡正天順元年陞廣東左叅議未幾廷臣薦其才召還陞都察院左僉都御史尋以疾卒所著有立齋集

林聰見右都天順元年左

韓雍字永熙直隸蘇州府長洲縣人正統壬戌登進士第癸亥拜湖廣道監察御史乙丑奉 命錄囚有碭山教諭丘純因責膳夫祝磨兒其父令磨兒遁去乃告純筆死棄屍御史問勘誣伏尋屍偶於黃河傍得一支解者認爲磨兒屍遂坐極刑雍疑

之遣人蹤跡可磨兒純由是得白戊辰按治江西廬陵等縣兒
徒乘歲饑劫掠雍與巡撫侍郎湯公寧設法捕首賊二百餘人
悉寘重典地方以寧閩寇鄧茂七反巡按御史汪澄牒隣境勦
殺尋復止之雍曰律有反叛會捕之文使賊果降何憚發兵不
然吾有備無患卽趣進時浙江巡按黃英以汪牒調兵弗集汪
卒坐死人多咎英而偉雍十四年歷陞廣東副使少保陳循疏
雍才陞右僉都御史巡撫江西至則首行均徭歲辦法均徭者
均平十排年之力役賦歲驗冊編役役畢九年無擾歲辦者里
甲劇銀貯於官有役則估直支給擇戶領解人稱便焉英劇
復辟調山西副使坐累致仕戊寅遷大理寺右少卿尋復右僉

都御史問決強盜十八人內二人訴被同起二人譬指時左都御史寇深云會問已明柰何雍曰人命至重有詞且暫留問不實決未遲二人得留餘欲行刑雍復曰若不留指者將誰與證始留四人後訴者得白錦衣指揮劉敬因石亨遲坐有謂敬曾邀亨至直房同飯欲坐朋黨雍曰律意謂結交朋黨紊亂朝政者今敬與亨交而非亂政况亨得志時誰不蠅聚其門若以一飯卽坐此罪則曾赴宴會者何以罪之東漢時以朋黨害盡忠賢覆轍可蹈邪是冬奉勅巡撫大同宣府詳兩廣總督

滕昭見右副都天順五年左八年出撫遼東

吳琛字與堊直隸太平府繁昌縣人景泰辛未進士癸酉秋

雲南道監察御史奉勅往甘肅犒軍乙亥巡按四川至顯食
雪冤滯明達果斷蜀人懷之天順丁丑英廟復位武靖侯石
亨以功封忠國公專權自恣漸蓄無將之心琛與同官劾奏之
忤旨補外知遷安縣五日天變雨雹命還臺職尋補選居臺
端掌文案故事凡三司會讞獄囚十三道文移刑牒必擇老成
諳練御史二人綜理之蓋以裨總憲之不及而爲諸道之領袖
也時琛與同年高明對莞五年臺中稱賢辛巳陞大理寺丞歲
餘陞都察院右僉都御史巡撫甘肅西陲莊浪去城四百里有
地深入狄境前墾田者占數屯糧五千七百斛迫於徵輸軍多
竄匿琛首疏罪之西番扒沙巴哇等七族累歲盜邊撫之不服

協同平羌將軍宣城伯衛顥征勦之斬獲千三百級馬駝牛羊
甲仗鎗重無算賊平陞俸二級成化改元還朝議事適四川妖
人趙鐸謀叛改命琛往討鐸賊中止蒞臺事時淮揚薦饑尋
命賑恤勞心焦思凡事有益於救荒者卒以便宜行之而言多切
直大忤權貴雖民賴以濟而琛之謗滋矣明年春召還言官劾
奏必置琛於法琛危甚賴 憲宗聖明第遷官南臺時代者都
御史林聰於琛所行事一無更張且言於人謂琛實有益於民
無負於國於是其誣遂息後歷兩廣右副都御史詳兩廣總督
王儉字 四川銅梁人正統己未進士

天順元年以右僉都御史賑濟淮揚等處七年任都察院左

僉都御史巡撫湖廣地方成化元年改撫貴州二年召回院管事本年以湖廣盜事降山西叅議歷左叅政終廣西右布政使致仕

張岐字來儀直隸河間府興濟縣人景泰甲戌進士擢監察御史天順中陞浙江按察司副使成化二年陞都察院右僉都御史巡撫延綏未任改撫遼東三年取回本院管事四月刑部員外彭韶力論其非才不可用願收召王竑李秉葉盛以伸公論疏入下韶獄四年爲挾私生事酷害邊軍被遼東軍士所奏命給事被言官劾其鑽刺除名

張綱字大振山東濟南府長清縣人景泰甲戌進士擢監察御

史時曹吉祥欲庇一指揮孽庶奪嫡廕綱疏奏阻之人呼真御史出按寧藩削護衛軍士再巡湖廣有李總兵者遺千金劾奏落職知者詠之曰持節曾巡三楚地却金能繼四知名天順八年陞湖廣按察司持風采不可以私干成化八年陞都察院左僉都御史巡撫順天等府十二年召同理院事十三年出禦北寇奏捷 憲宗喜曰西有王越北有張綱吾何憂哉特賜錄廕尋以疾卒於官

李綱字廷張山東長清縣人天順下丑進士初授山西道御史出按南圻浙江風裁甚著 憲宗卽位首請斥胡僧伏伎士直聲益聞於天下成化六年陞太僕寺少卿未及三載弊除政舉

一三年陞都察院左僉都御史佐理院事素諸憲事凡疏奏悉取省閱十四年出督漕運詳總督漕運

戴縉見右都成化十四年任右僉都

屠瀟見左都成化十五年任右僉都十七年轉左

秦紘字世纓山東單縣人景泰辛未進士授南道監察御史忤大臣降北黃驛丞遷知雄縣忤中官下獄調平谷歷知嘉定泰州鞏昌府調西安府歷陝西右叅政左布政使陞都察院右僉都御史巡撫陝西逮詔獄改撫河南遷宣府成化二十年陞本院左僉都御史理院事二十一年陞戶部左侍郎累官戶部尚書詳戶部

左鈺字廷珍直隸河間府阜城縣人先世山西沁州人永樂初以貲財饒於鄉奉例移阜城遂家焉鈺少以穎敏魁兒輩少長游邑庠景泰癸酉領順天鄉薦成化乙酉以急缺風憲銓司於鄉進士中選老成及學行卓越之士遂拜監察御史丙戌督理兩淮鹽法豪強斂跡而鹽有餘課已丑按福建風紀不振八閩迄今有真御史之頌壬辰陞陝西僉事勅令協守懷慶等地方討賊有功上有銀牌表裏之賜己未陞本司副使戊戌討岷州叛虜捷至加支從三品休壬寅陞按察使癸卯陞右僉都御史巡撫遼東甲辰調大同兩地方賴以安妥乙巳以中外推薦佐管都察院未幾復勅巡撫山西提督鴈門等關復有寶

饒金織之賜尋爲言官論列致仕家居再明年以疾卒

張悅字時敏直隸松江府華亭縣人天順庚辰進士授刑部主事歷員外郎陞江西按察司僉事改督浙江學校歷四川副使湖廣按察使成化二十二年陞都察院右僉都御史協理院事二十三年陞工部右侍郎詳南京兵部

翟瑄見右副都成化二十三年任右僉都

李介字守正山東萊州府高密人成化己丑進士改翰林院庶吉士擢四川道監察御史改河南道歷大理寺右寺丞右少卿轉左陞都察院左僉都御史巡撫宣府弘治二年召還佐理院事四年丁母憂服將闋七年復任陞兵部右侍郎詳宣大總督

陳紀詳右副都御史弘治七年任右僉都

楊謚見右副都御史弘治七年任左僉都

張文昭字文昭山東東昌府平山衛籍江西袁州府萍鄉縣人

天順甲申進士授刑部主事歷員外郎郎中陞山西副使丁父

憂補河南按察司尋陞本司按察使弘治四年陞巡撫貴州右

僉都丁憂九年起右僉都御史協理院事十一年致仕

顧佐見右副都弘治十一年任左僉都

陳璠字玉汝直隸蘇州府長洲人成化戊戌進士改庶吉士授

兵科給事中轉刑科左獻納務持大體不沽激訐名弘治二年

歷大理寺左右寺丞九年陞右少卿十一年轉左本年陞南京

都察院左僉都御史提督操江十三年召改都察院左僉都御史協理院事十六年陞南京都察院左副都御史詳南京都察院

張鸞見右副都弘治十六年任左僉都

魏訥字 河南開封府鄆陵縣人弘治丙辰進士十七年任通政司右叅議十八年陞右僉都

王璟詳左都正德元年任右僉都

藍章字 山東卽墨人正德二年任右僉都忤逆瑾降撫州府通判詳南京刑部侍郎

韓福字德夫陝西西安衛人成化辛丑進士授滑縣知縣丁憂

補知章丘擢四川道監察御史歷大名知府浙江右叅政大理寺左少卿陞都院右僉都御史巡撫保定改督蘇松糧儲未任正德二年召管院事三年陞戶部左侍郎詳戶部

張綵字

陝西安定人弘治庚戌進士授吏部稽勲司主事

調文選司歷稽勲員外郎驗封文選郎中正德三年陞都察院左僉都御史協理院事本年陞吏部左侍郎尋陞吏部尚書加太子少保以附逆瑾下獄詳吏部

張綸詳右都正德三年任右僉都

顏頤壽見左都正德五年任右僉都守制十年復補

陳天祥詳左副都正德六年任左僉都御史八年出撫貴州

年再任

陳玉字德卿直隸沂州衛籍揚州府高郵人弘治癸丑進士庶吉士授福建監察御史歷浙江提學副使丁憂補福建陞天府丞正德六年陞都察院右僉都御史協理院事八年陞戶部右侍郎詳南京都察院

金獻民見左都正德八年任左僉都

李鉞見右都正德十三年任右僉都

劉玉見右都正德十六年任左僉都

周倫字伯明直隸崑山人弘治己未進士授新安知縣擢山東道監察御史養病起補江西道十一年歷南京大理寺右寺丞

十六年陞大理寺右少卿轉左嘉靖元年陞都察院右僉都御史理院事四年改南京歷南京刑部尚書詳南京刑部

張潤見右副都嘉靖二年任左僉都御史

熊浹見左都嘉靖六年任右僉都御史

國朝列卿紀卷之八十

南京都察院左右僉都御史年表

李

敏

河南儀封人永樂中歲貢宣德二年任右僉都御史三年致仕

嚴

昇

直隸繁昌人革除庚辰進士官宣德二年任右僉都御史四年卒於官

李

珉

河南陳州人洪武中薦舉宣德四年任右僉都御史

吳

訥

詳本院左副都宣德五年任右僉都御史

宣德十年至天順二年不設僉都

張

楷

浙江慈谿人進士天順三年任右僉都御史四年致仕

李

秉

山東曹州人進士天順八年任右僉都御史

高

明

江西貴溪人進士天順八年任右僉都御史掌院事成化二年致仕十四年起左僉都御史平上杭叛盜

吳琛

直隸繁昌人進士成化二年由都察院右僉都御史調掌本院事

張鵬

直隸涑水人進士成化六年由巡撫廣西左僉都御史改本院右僉都七年改督漕運十年仍理院事

白昂

直隸武進人進士成化十八年右僉都御史

虞瑤

浙江縉雲人進士成化二十年任右僉都御史提督操江弘治元年掌院事

王軾

湖廣公安人進士弘治四年任右僉都御史

楊守隨

浙江鄞縣人進士弘治八年任右僉都御史

顧佐

直隸臨淮人進士弘治九年任左僉都御史兼督江防

侯恂

陝西白水人進士弘治十一年任左僉都御史

陳琦

詳本院左副都弘治十一年任右僉都御史

林俊

福建莆田人進士弘治十三年任右僉都御史

張

恕

順天霸州人進士正德二年任右僉都御史

李

堂

浙江鄞縣人進士正德四年任右僉都御史

陸

完

直隸長洲人進士正德四年任右僉都御史

王

樞

直隸吳縣人進士正德五年任右僉都御史

張

鳳

江西宜春人進士正德五年任右僉都御史

陳

世良

浙江臨海人進士正德六年任右僉都御史

林

廷玉

陝西平涼衛籍福建侯官人正德八年任左僉都御史

張

津

廣東博羅人進士正德八年任右僉都御史

范

鏞

陝西鞏昌衛籍直隸華亭人進士正德十一年任右僉都御史

劉

玉

江西萬安人進士正德十四年任右僉都御史提督江防十五年轉左僉都

胡 瓚

見本院右副都正德十六年
任左僉都御史提督江防

周 倫

見本院右副都嘉靖四年
任右僉都御史提督江防

張九叙

山東商河人進士嘉靖五年任右
僉都御史提督江防七年致仕

張 璿

直隸晉州人進士嘉靖八年任右僉
都御史兼提督江防十一年着爲民

十一年至二十一年裁革

楊行中

順天通州人嘉靖癸未進士二十
右僉都御史提督江防詳南京吏部

傅 炯

江西進賢人嘉靖癸未進士二十三
右僉都御史兼督江防詳南京刑部

及 宦

直隸交河人正德甲戌進士嘉靖二十四年
任右僉都御史兼督江防詳戶部左侍郎

周 釋

浙江山陰人嘉靖丙戌進士二十六年任右
僉都御史提督江防二十八年回籍聽調

李 遂

江西豐城人嘉靖丙戌進士二十八年任右僉都御
史提督江防二十九年督通州詳南京兵部尚書

王學益

江西安福人嘉靖己丑進士二十九年任右僉都御史提督江防詳南京工部尚書

盧

勲

浙江縉雲人嘉靖壬辰進士三十年任右僉都御史提督江防詳南京刑部尚書

蔡克廉

福建晉江人嘉靖己丑進士三十一年任右僉都御史提督江防詳南京戶部尚書

史褒善

直隸開州人嘉靖壬辰進士三十一年任右僉都御史提督江防三十五年致仕以功進大理寺卿致仕

高捷

河南新鄭人嘉靖乙未進士三十五年任右僉都御史提督江防三十七年回籍聽勘

趙孔昭

直隸邢臺人嘉靖甲辰進士三十八年任僉都御史提督江防三十九年改撫宣府

喻時

河南光山人嘉靖戊戌進士三十九年任右僉都御史督江防詳京營兵部右侍郎

萬虞愷

江西南昌人嘉靖戊戌進士四十年任右僉都御史督江防本年陞南儲副都

閻東

四川內江人嘉靖甲辰進士四十二年任右僉都御史督江防四十二年卒於官

王本固

直隸邢臺人嘉靖甲辰進士四十二年任右督江防四十四年改北院

洪朝選

福建同安人嘉靖辛丑進士四十四年任右督江防陞總督南京糧儲右副都

盛汝謙

直隸桐城人嘉靖辛丑進士四十五年任右督江防

唐繼祿

直隸上海人嘉靖癸丑進士隆慶元年任右提督江防二年陞右副都總理山西屯鹽

吳時來

浙江仙居人嘉靖癸丑進士隆慶二年任右僉都御史提督江防

陳道基

福建同安人嘉靖庚戌進士隆慶四年任僉都提督江防改巡撫應天

陳省

福建長樂人嘉靖己未進士隆慶四年任右提督江防改北院

張鹵

河南儀封人嘉靖己未進士隆慶五年任右提督江防遷撫浙江

董堯封

河南洛陽人嘉靖癸丑進士隆慶六年任右

王篆

湖廣夷陵人嘉靖壬戌進士萬曆四年任右

張岳

浙江餘姚人嘉靖己未進士萬曆五年由大理右少卿任本年十二月降調

胡 楨

湖廣宜城人嘉靖壬戌進士
萬曆六年任右八年改北

胡嘉謨

陝西涇陽人嘉靖壬戌進士
萬曆六年任右八年回籍

傅孟春

江西高安人嘉靖乙丑進士萬曆八年由
光祿寺卿陞右僉都任七月丁憂未任

呂 藎

湖廣零陵人嘉靖壬戌
進士萬曆九年任右

趙 煥

山東掖縣人嘉靖乙丑進士萬曆十一年
由大理左少卿任十三年改協院左僉都

蕭崇業

雲南臨安人隆慶辛未進士萬曆十三
年由南太僕卿陞右僉都本年養病

滕伯輪

福建旌寧人嘉靖壬戌進士萬曆
十四年任右十五年改撫浙江

孫 旬

山東萊陽人萬曆甲戌進士十八年
七月由大理右少卿任八月丁憂

陳有年

浙江餘姚人嘉靖壬戌進士萬曆
十八年由開任江西僉都起任

南京都察院左右僉都御史行實

李敏字



河南開封府儀封縣人永樂中由縣學生貢入國

子監授刑科給事中二十二年陞左給事中宣德二年陞都察院右僉都御史蒞事南京三年以疾致仕

嚴昇字



直隸太平府繁昌縣人華除庚辰進士授四川青

神知縣永樂中考滿陞江西按察司僉事丁憂起補順天府同知十三年轉吏部考功司郎中二十二年考滿陞南京大理寺右少卿宣德三年陞都察院右僉都御史卒於官

李珉字



河南開封陳州人洪武



薦舉宣德四年任都

察院左僉都御史

吳訥詳本院左副都御史宣德五年任右僉都御史

自宣德十年至天順二年僉都不設

張楷字式之浙江寧波府慈谿縣人十七領鄉薦登永樂甲辰進士宣德改元之明年試政於夏官時方北征輿馬之需甚急大司馬雅知其才委任往關中督之果先期而集拜江西道監察御史初有強盜係刑部獄中吏受財脫之卽劾其尚書以下十數人皆罷黜名聲赫然六年考績至行在因獻 聖德頌留俟鴻臚寺正統初乃還在任能辨疑獄有造僞印者本夏三也賂書牒人吳廉得其實以罪三有與妖僧作逆事者連坐其主當族楷察知逃日所爲主得勿論有兄毆人死誣其弟同毆歷

學審無能辨者公察其枉謂殿時汝安在曰在鄉學乃拘其師
友驗之果然遂釋之此類甚多庚申用大臣薦陞陝西僉事理
屯田督租賦治水利俱有成績尋遷副使時靖遠伯王驥勅巡
邊檄同行乃上安邊十二策多見采者丁卯陞都察院右僉都
御史歲旬蝗起上命楷督捕楷授郡邑捕法而按行之蝗遂
息閩賊鄧茂七作亂朝廷遣將率兵往平之以楷爲監軍兵
至廣信賊黨聞延平甚亟楷謂都督劉聚曰賊聞大軍至寧無
懼心卽具榜遣之馳諭以威信果率兵至鉛山賊圍將樂調都
督劉得新乘夜襲之賊皆潰散茂七僅以身免退保陳山楷駐
兵建寧四招其黨賊復攻延平楷以浙江軍伏後坪南京軍伏

後汪江西軍伏沙溪之南而以福建軍素爲賊所易者出城挑之已而礮作伏起合羣大破之遂斬茂七俘其衆未捷之先朝建慮賊衆兵寡復遣寧陽侯陳懋統大兵繼之至則茂七已誅餘賊有據九龍山者楷選精兵二千撤其後戒曰明日賊必空寨來攻若疾入其寨而反之比日賊視我營兵少果至溪上無筏而還一千兵已據其寨用其溪木樞石下燧之賊衆遂降凡定三郡七縣破三十六寨擒僞兵學士等官三百二十四人招徠其民八十餘萬初處州賊葉宗留亦起已遷都督徐恭征之至是復勅楷旋師與之犄角恭次金公山甚危往援之至卽伏兵樹鵠兒芭爲壘賊至麾兵擊之少頃佯走賊追逼壘伏兵四

起一鼓殲之景泰改元班師至京有如其功者劾楷初至就詩
玩寵以罪罷歸天順改元英廟復位念其勞仍舊官致仕明
年陝右興師禦寇而給軍餉增戰騎募勇士以佐師者難其人
適楷至京入謝上見之曰朕得其人矣遂命楷往還京上
嘉勞之轉南京都察院尋卒於官享年六十有三稽蚤孤事母
至孝爲人瀟灑心地坦夷好引獎士類見人有善必延譽之遇
患難者必拯濟之尤善賓客篤於友道其學浩瀚善行草隸篆
所著有四經糠粃大明律條撮要諸書至於選詩唐音李杜詩
草堂詩餘凡十數家公悉和之累數百卷皆豪壯賔麗海內之
士莫不口腴而心悅之外國亦市其集而慕其風采

李秉字執中山東交州府曹州人宣德丙辰登進士授福建延平府推官越兩考擢都察院經歷未幾丁內艱服除改戶部主事已巳陞郎中出督鳳陽等處漕運再理宣府糧儲所至事集景泰辛未用薦歷陞都察院右僉都御史宣府叅贊軍務總理糧儲秉請白金三萬兩買牛給貧乏軍民秋成償其價上允之軍民樂業邊餉亦足具奏都督紀廣叅將楊能怠忽邊備能亦誣秉不法上命御史練綱給事中嚴誠往勘自其誣劾切責能等秉復奏准邊軍士雖無妻但有四口同居者許支一石之例汰宣府尼僧配軍士無妻者又奏都督過興怯懦無謀及叅將方正黃直都指揮王良孫安陞官賞宅之罪上切責

良等而以宅付代者癸酉虜寇以剽掠男女易糧米 朝議每

大口米一石小口米五斗虜不從秉曰是重物而輕人也每口

與米一石總兵官以爲礙例秉曰何忍使吾赤子爲夷人耶專

擅之咎吾任之悉如數與之後以聞 上允不究奏罷叅將孫

安薦陞都指揮周賢代之又以指揮張林代萬全叅將江福士

諭以爲得人常條陳邊務十四事 上悉允行之數年之間邊

境無虞軍民賴之至有祠之於家者天順改元巡撫江南時郡

縣多貪吏爲民患秉去其甚者數人戊寅改遷大同等處一時

痛革諸弊凡朘削軍士者必置於法郡情洵洵度不能自容乃

以事中之已卯遂坐除名久之 上知其誣 特召復職掌南

京都察院事甲申進右副都御史再巡撫宣府越兩月擢左都御史掌院事屬歲當考察兼舉劾無所避公論快焉是歲秋上以大同等處邊備廢弛命秉整飭之適虜寇入境秉率官軍與戰於鳳凰上擒獲人畜萬計無何建州虜酋董山作亂復命秉提督軍務往討平之師還特賜一品服勞以羊酒成化丁亥遂拜吏部尚書詳吏部

高明字上達江西廣信府貴溪縣人自幼以孝聞年十三母病甚焚香籲天請以身代又刲股投粥中母食之頓愈稍長補邑庠生篤學不勌景泰庚午領江西鄉薦明年登進士第試殿都察院未幾擢山東道監察御史彭城李苟等苦官吏貪暴訟於

朝事下御史臺時越訴者例謫戍邊公奏曰謫戍之例爲妄訴者
設苟等訴不誣法當杖 康定皇帝從之因著爲令村民趙釗
等爲妖言吏欲冒功執其黨數十人誣以謀反獄上公曰此愚
民處以妖言足矣文致其反何刻也繇是其家屬皆獲免巡按
河南黜汗暴誅兇頑風聲凜然郡縣冤獄吏不能讞者悉爲辨
之黃河南徙民耕其填淤者畝收數斛吏議使民計畝輸稅公
不可曰河徙不常異日平復爲巨浸耕者何以供稅議者乃止
及還 朝適邊報沓至公奉 勅督邊餉人皆趨令靡後期者
都御史寇深剛愎自用屬官少當其意者尤忌江右人獨於公
敬愛無數凡大獄大政惟公言是聽章疏當上者俾公具草焉

英宗皇帝既復位天下藩臬郡縣百司來朝監察御史趙銘等劾其罪而彈文出於公上怒其觸諱命中官詰草奏者衆懼莫敢對公毅然曰彈文實出明手銘等無罪中官入白之上顧左右曰賢御史也釋不問忠國公石亨以權擅得罪言者劾其不軌上命公與錦衣衛指揮門達籍其家公語達曰亨非有反謀其僮僕不當從坐達然之遂同以實聞得免者四十餘人尋陞大理寺丞凡獄情矜疑者參錯訊鞫多所平反憲宗皇帝嗣位遷南京都察院右僉都御史時南臺以去輦轂遠憲度稍隳而百司亦多自恣公振風紀明法令痛斥庶官之貪暴者南都肅然會淫雨彌月公上章言此皆陽微陰盛之徵宜脩德

以回天意 上嘉納之姦民販私鹽者縱橫江上商旅幾絕
勅公剿之公遣南臺御史顧以山戴琥往捕授以方畧擒賊首九
百餘人長江以清行舟無阻公念二親老連章乞致仕未允又
疏乞終養 上乃許之居無何二親相繼逝執喪哀毀幾不能
生戊戌上杭盜起兇燄日熾 詔起公於家改左僉都御史
賜勅許以便宜從事公力疾而行至則先揭榜諭之賊恃險不服
乃遣兵搗其巢穴馘其渠魁撫其脇從又以上杭之溪南里寔
盜淵藪乃析爲永定縣以統釐之於是汀漳之間晏然公以寇
平又上章乞歸 上憫公久勞瘴鄉乃許謝事旣歸絕口不談
官府事惟與子弟及縣之俊秀論經史而已給事中虞瑤大學

國朝方外志 卷之十一
士袁慶祥等皆 上章乞起用之然當道多與公不合者故卒不用成化二十一年卒於家年六十四歲大司馬余子俊具請明居官廉慎有平閩寇功准賜祭葬所著有終養錄征閩宅安錄傳於家

吳琛字興璧直隸繁昌縣人景泰辛未進士癸酉秋拜雲南道監察御史奉 勅往甘州犒軍己亥巡按四川所至黜奸貪雪冤滯明達果斷蜀人懷之天順丁丑武靖侯石亨以功封忠國公專權自恣漸蓄無將之心琛與同官劾奏之忤旨補外知遷安縣五日天變雨雹 命還臺職尋被選居臺端掌文案故事凡三司會讞獄囚十三道文移行牒必擇老成諳練御史二人

綜理之益以裨總憲之不及而爲諸道之領袖也時琛與同年
高明對筦五年臺中稱賢辛巳陞大理寺丞歲餘陞都察院右
僉都御史巡撫甘肅西陲莊浪去城四百里有地深入狄境前
檢田者占數屯糧五千七百斛迫於徵輸軍多竄匿琛首疏罪
之西番扒沙巴哇等七族累歲盜邊協同平羌將軍宣城伯衛
頴征剿之斬獲一千三百級馬駝牛羊甲仗輜重無算賊平陞
俸二級成化改元還朝蒞臺事時淮楊薦饑尋命賑恤琛勞心
焦思凡事有益於救荒者率以便宜行之而言多切直大忤權
貴雖民賴以濟而琛之謗滋矣明年春召還言官劾奏必置琛
於法琛危甚賴 天子聖明第遷官南臺時代者都御史林聰

於琛所行事一無更張且謂琛實有益於民無負於國於是其誣遂釋而聲稱益重來南未幾丁母憂繼丁父憂兩遭親喪哀毀踰禮 朝廷凡兩遣官諭祭琛先以僉都御史三載秩滿至是始頒 詔命進階中憲大夫已丑服將終遣使賻弔卹其家授之命巡撫兩廣詳兩廣提督

張鵬字騰霄直隸保定府涿水縣人景泰辛未進士授山西遵監察御史立朝寒諤有才行名凡百施爲務持大體畧苛細常條奏時政關民之休戚者十事入服其切直 朝廷嘉納悉下有司施行甲戌監會試公明之舉籍甚尋按治隆慶等處乙亥陞南和伯軍之湖廣丙子清理京畿馬政所在風裁益著天順丁

丑武臣石亨恃寵作威福人莫敢犯鵬奮不顧身率同列極詆其罪亨憾之竟被誣構謫戍廣西南丹衛後亨事敗人服其炳見幾先甲申 憲宗卽位宥還乙酉召復舊官明年超擢福建按察使戊子夏廣西缺官巡撫擢都察院左僉都御史以往鵬常謫居其地備諳民夷土俗凡政令之出甚合時宜而邊境用寧已丑言官劾中外大臣不職者及之 上知其直獨留巡撫如故尋改理南京都察院事是非予奪一以至公而臺綱振肅辛卯春改總督漕運十年回理院事歷兵部尚書詳兵部白昂字廷儀直隸常州府武進縣人天順丁丑進士授南京禮科給事中改刑科給事中成化戊子轉左旋都給事中歷陞應

天府丞南京大理寺少卿南京都察院左僉都御史會劇寇劉通出沒海上東南騷然昂以都御史調士卒遠近皆會截其要一路賊大窘廼宣布威信挺身納款特於太倉學宮受之諭以禍福出於至城通感泣廼縱之歸歸率其餘衆以降執通送京師餘縱不問東南晏然復奏沿江要害守備等官互相應援又請關防以便行事遂爲定式歷刑部尚書詳刑部

虞瑤字邦瓊浙江處州府縉雲縣人天順甲申進士第選差貴州纂修實錄繼拜刑科給事中尋轉本科都給事中進言獻替剴切良多如劾范妃之固寵諫止處州之礦坑皆言人之所不敢言者天官桐江姚公每見疏歎曰此虞公筆諫也由是直聲

動天下遷大理寺丞讞獄多平友陞南京都察院右僉都御史
督操江簡練有方又陞南京兵部右侍郎詳南京兵部

王軾字用敬湖廣荊州府公安縣人天順甲申進士授大理寺
右評事成化五年陞右寺副七年陞寺正十三年陞四川按察
司副使十五年以憂去接喪二十一年服滿補陝西副使

年陞四川按察使弘治二年陞南院右僉都御史兼提督江
防八年陞都察院右副都御史總理南京糧儲詳南京兵部
楊守隨字維禎浙江寧波府鄞縣人成化丙戌進士弘治八年
由廣西按察使陞本院右僉都御史九年陞南京大理寺卿叅
駁詳明一時獄訟稱平歷掌大理寺工部尚書詳大理寺

顧佐字良弼直隸鳳陽府臨淮縣人成化己丑進士弘治九年
由山西巡撫右僉都御史改本院左僉都御史兼督江防十一
年改都察院右副都御史陞戶部侍郎正德元年陞戶部詳戶
部

侯恂字

陝西西安府白水縣人成化丙戌進士

弘治四年由山東按察使陞都察院左僉都御
史巡撫大同九年致仕十年起撫山西十一年陞南京都察院
左僉都御史十三年卒於官

陳璣詳本院左副都御史弘治十一年任右僉都御史

林俊字大用福建興化府莆田縣人成化戊戌進士弘治十三

年由廣東右布政使養病起本院右僉都御史提督江防時陝西地震上言變不虛生歷述漢晉以來官闈內侍柄政之禍乞減齋醮清役占汰冗食止工作省供應節賞賜戒逸欲遠佞幸親賢人十五年改巡視江西歷巡撫江西刑部尚書詳刑部

張恕字

順天府霸州人成化辛丑進士任御史正德二年

任本院右僉都御史三年陞南京工部右侍郎詳南京工部

李堂字時升浙江寧波府鄞縣人成化丁未進士正德四年由

南京光祿寺卿陞本院左僉都御史提督操江本年陞工部右

侍郎詳工部

陸完字全卿直隸蘇州府長洲縣人成化丁未進士正德四年

由巡撫宣府右僉都御史改本院右僉都御史本年畏瑾威焰
納賂於瑾遷都察院右副都御史歷吏部尚書詳吏部

王哲字

直隸蘇州府吳縣人弘治庚戌進士授江西道御

史巡廣東江西有聲民謠有天下有十哲太平無休歇之句十
六年陞山東按察副使正德二年改任本布政司叅政四年陞
廣東按察使本年陞本院右僉都御史五年改都察院巡撫江
西地方逆濠中毒乞歸詳江西巡撫

張鳳字應時江西袁州府宜春縣人成化辛丑進士知江浦改
長樂陞沂州知州弘治

年陞雲南府知府所至以勤能著聲

陞廣西叅政掌思恩府事正德五年任本院右僉都御史兼督

操江本年改都察院右僉都御史總督蘇松等處糧儲兼巡撫
應天等處地方詳應天巡撫

陳世良字崇之浙江台州府臨海縣人領成化癸卯鄉薦登丁
未進士初授樂安令樂安之俗勇悍成風夙艱於理公至勞心
殫思恩以撫之威以震之爬梳剔簿籍一清宿弊盡革吏畏
民懷且留心學校士風聿振政教並懋當道屢加獎譽時迎養
太宜人於官舍宜人見公貌癯勤勤憂形於色及聞民安其循
士頌其廉則躍然喜曰吾無憂矣及三載考績北上丁內艱去
之日民越境攀號依依不忍舍服闋補南和公下車既謁先聖
廟集諸生講畢顧瞻廟學傾圯歎曰是風化之本也命工料材

次第新之嚴諸生教條親講解時考較以歸其成設社學十有
七以訓編戶子弟表唐賢相宋廣平里以勵士風由是邑人向
學弦誦之聲達四境前此所未有也邑之小戶村田數百頃近
下每爲流澇所沒公築堤障之堤之上植雜樹以固其基澧水
經河頭郭公鑿渠三十餘里引以溉田遇澇則洩而歸之河旱
澇有備民受其賜措置預備倉糧以萬計饑窘有所倚賴先時
牧馬場歲徵租銀千五百餘兩不分地之肥瘠而槩徵之小民
告病公上其事當道奏聞於朝因得隨地量徵減去舊額之
半雖隣封亦沾其惠邑中可知且懲姦頑撫良善時賦歛均徭
役窮獨無所歸者有養婚嫁歛葬不能舉者有助由是邑民

逃復業者數百家四方流民歸之者又千餘家戴之若父母然
其他修城池置門關舖舍以防民患均集場以便民利一權量
度衡以立民信細大之務畢舉皆鑿鑿可紀當道者交章薦舉
甫三載而徵召之命下矣至今二邑之民稱之不減其口及爲
御史正色立朝彈糾不畏強禦初巡三關大戎震服暨按南畿
激揚有道風采凜然有從父克菴風時逆瑾干政竄逐忠良公
獨抗疏言之爲瑾所忌正德二年尋遷南京大理寺右寺丞未
幾中以事罰贖米三百餘石至轉貸於人衆皆吊之公少不爲
意五年瑾敗上勅廷臣起諸被瑾抑者首擢公爲大理少卿
公論交慶之公亦無動色六年又以南京根本重地必得風裁

碩望者坐鎮之乃拜公右僉都御史不妨院事巡江兼管操江
憲度振肅時倚爲重適流賊猖獗公悉心防禦朝夕申明號令
刻期督戰所至克捷然廷臣復迭出總制事權叅錯公一日自
蕪湖追賊順流而下賊阻風窮窘捨舟奔岸竟成撲滅者公之
力也他或因以爲利而公則以非所部者武人冒釁取衄或將
以此媒孽於公後雖暴白而公知事權不足自展莫以行其志
惟屢疏乞休絕口不言其功得請卽飄然東歸矣旣歸卽杜門
却掃惟與賓舊倘徉湖山之間若將終身焉正德十三年起應
天府尹未任已卯九月三日卒所著有青嶼稿奏議等書藏於
家

林廷玉字

陝西平涼衛籍福建福州府侯官縣人成化甲

辰進士正德七年任右僉都巡撫保定八年改本院右僉都御史本年致仕後起南京總理糧儲詳南京糧儲

張津字廣漢廣東廣州府博羅縣人成化丁未進士知建陽治跡甚著後補大冶權貴州道監察御史正德二年出知泉州府政平而信以逆瑾排去五年起補寧波府知府八年由山東左叅政陞本院右僉都御史十一年陞南京都察院右副都御史巡撫應天十二年以功加戶部右侍郎詳應天巡撫

范鏞字

陝西鞏昌衛籍直隸松江府華亭縣人弘治癸丑

進士

正德十一年陞本院右僉都御史十二

年陞都察院右副都御史巡撫雲南十三年致仕卒

劉玉字咸栗江西吉安府萬安縣人弘治丙辰進士正德十四年由大理寺左少卿本年陞本院右僉都御史提督江防十五年改撫鄖陽尋改本院左僉都御史十六年遷都察院右副都御史歷刑部左右侍郎詳刑部

胡瓚詳本院右副都御史正德十六年由巡撫大同左僉都御史養病起本院左僉都御史提督江防

周倫字■詳本院右副都御史嘉靖四年任都察院右僉都御史改本院右僉都御史提督江防

張九叙字■

山東濟南府商河縣人弘治乙丑進士改翰林

院庶吉士正德二年授戶科給事中四年陞刑科右給事中五年丁憂九年補戶科左給事中十年丁憂十三年補工科十六年陞吏科都給事中嘉靖元年陞太僕寺少卿三年陞太常寺少卿提督四夷館五年陞南院右僉都御史七年致仕

張濬字

直隸真定府晉州人正德戊辰進士擢浙江道監

察御史十年陞大理寺右寺丞十一年丁憂十三年補原職十六年陞大理寺左寺丞嘉靖元年陞大理寺右少卿二年陞都察院右僉都御史巡撫寧夏四年回籍八年起本院右僉都御史兼提督江防十一年着爲民